

სახელმწიფო შესყიდვის შესახებ ხელშეკრულება N 21-082602

ქ.თბილისი

26 აგვისტო 2021 წელი

ხელშეკრულების დამდები მხარეები ერთის მხრივ სსიპ „წიაღის ეროვნული სააგენტო“ (შემდგომში „შემსყიდველი“), წარმოდგენილი მისი უფროსის ოთარი დანელიას სახით, და მეორეს მხრივ, შპს მაი მობაილ + (ს/კ205294705) წარმოდგენილი მისი დირექტორის ზურაბ ბოკერიას სახით, სახელმწიფო შესყიდვების შესახებ კანონისა და პრეტენდენტის სატენდერო წინადადების საფუძველზე, ელექტრონული ტენდერი აუქციონის გარეშე შედეგების გათვალისწინებით, დებენ წინამდებარე ხელშეკრულებას შემდეგზე:

1. ხელშეკრულების საგანი

1.1 შემსყიდველმა ჩაატარა ელექტრონული ტენდერი აუქციონის გარეშე (**NAT210014261**) სხვადასხვა სანავიგაციო და მანძილზომი მოწყობილობის სახელმწიფო შესყიდვაზე, რომელშიც გამარჯვებულად მიჩნეულ იქნა მიმწოდებლის სატენდერო წინადადება და მიმწოდებელმა აიღო ვალდებულება, მიაწოდოს შემსყიდველს წინამდებარე ხელშეკრულებით განსაზღვრული შესყიდვის ობიექტი 37'000.00 (ოცდაჩვიდმეტი ათასი) ლარის ღირებულებით, ღირებულება მოიცავს შესყიდვის ობიექტის მიწოდებასთან დაკავშირებული ყველა ხარჯს და გადასახდელს.

1.2 ხელშეკრულებით გათვალისწინებული საქონლის ზუსტი და კონკრეტული აღწერა და რაოდენობა მოცემულია ფასების ცხრილში (დანართი N1), რომელიც თან ერთვის წინამდებარე ხელშეკრულებას და მის განუყოფელ ნაწილს წარმოადგენს.

2. ზოგადი დებულებანი:

2.1 ქვემოთ ჩამოთვლილი დოკუმენტები ქმნიან მოცემულ ხელშეკრულებას და წარმოადგენენ მის განუყოფელ ნაწილს:

- ა) წინამდებარე ხელშეკრულება;
- ბ) ტექნიკური დავალება;
- გ) პრეტენდენტის მიერ წარმოდგენილი სატენდერო წინადადება და მასზე თანდართული ყველა სხვა საჭირო დოკუმენტი;
- დ) დაზუსტებული ან/და კორექტირებული სატენდერო წინადადება ან/და ფასების ცხრილი (ასეთის არსებობის შემთხვევაში);
- ე) ხელშეკრულების ყველა სხვა დანართი ან/და მასში შემდგომში შეტანილი ნებისმიერი ცვლილება ან დამატება.

2.2 ნებისმიერი ოფიციალური შეტყობინება მხარეთა შორის უნდა ატარებდეს წერილობით ფორმას.

2.3 შეტყობინება ძალაში შედის ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, ამ თარიღიდან რომელიც უფრო გვიან დგება.

3. ხელშეკრულების ღირებულება

3.1 ხელშეკრულების საერთო ღირებულება შეადგენს 37'000.00 (ოცდაჩვიდმეტი ათასი) ლარს დღგ-ს ჩათვლით.

3.2 ხელშეკრულების ჯამური ღირებულება მოიცავს ხელშეკრულებით გათვალისწინებული შესყიდვის ობიექტის მიწოდებასთან დაკავშირებულ მიმწოდებლის ყველა ხარჯს.

3.3 მიმწოდებელი პასუხს აგებს შესყიდვის ობიექტის მიწოდებასთან დაკავშირებული ყველა იმ გადასახადის, მოსაკრებლისა და სხვა გადასახდელების გადახდაზე, რომლებიც გადასახდელია საქართველოს კანონმდებლობით.

3.4 ხელშეკრულებაში განსაზღვრული ფასის გადასინჯვა დასაშვებია მხოლოდ საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ამასთანავე დაუშვებელია სახელმწიფო შესყიდვების შესახებ ხელშეკრულების ჯამური ღირებულების 10 %-ზე მეტი ოდენობით გაზრდა.

3.5 ფასების გადასინჯვის შესახებ ხელშეკრულების ინიციატორმა მხარემ უნდა შეატყობინოს მეორე მხარეს წერილობით, რომელიც, თავის მხრივ, უფლებამოსილია, არ დაეთანხმოს აღნიშნულ ცვლილებას.

4. მხარეთა უფლება-მოვალეობები

4.1 მიმწოდებელი ვალდებულია:

4.1.1. საკუთარი სახსრებით მოაწოდოს „შემსყიდველს“ საქონელი დანართი N1-ის შესაბამისად.

4.1.2 დროულად განიხილოს ხელშეკრულების შესრულებასთან დაკავშირებული პრობლემები.

4.2 მიმწოდებელი უფლებამოსილია, მოითხოვოს ანგარიშსწორება ხელშეკრულებით გათვალისწინებული ვადებისა და პირობების შესაბამისად.

4.3 შემსყიდველი ვალდებულია:

4.3.1. ხელშეკრულებით გათვალისწინებული პირობების შესაბამისად, აუნაზღაუროს მიმწოდებელს მიწოდებული საქონლის ღირებულება და დაიცვას ხელშეკრულებით გათვალისწინებული ყველა პირობა.

4.4 შემსყიდველი უფლებამოსილია, აწარმოოს მიწოდებული საქონლის ხარისხისა და რაოდენობის კონტროლი;

4.5 უფლებამოსილია, განაცხადოს უარი უხარისხო საქონლის მიღებაზე.

5 ხელშეკრულების შესრულების კონტროლი

5.1 მიმწოდებლის მიერ ნაკისრი ვალდებულებების შესრულების მიზნით, ხელშეკრულების მიმდინარეობის ნებისმიერ ეტაპზე შემსყიდველი უფლებამოსილია განხორციელოს კონტროლი შესყიდვის ობიექტის მიწოდების ვადებსა და მოთხოვნილ პარამეტრებზე.

5.2 კონტროლის განხორციელების შემთხვევაში მიმწოდებლის მიერ ხელშეკრულებით ნაკისრი ვალდებულების შესრულების კონტროლს შემსყიდველის მხრიდან განხორციელებს სსიპ წიაღის ეროვნული სააგენტოს სასარგებლო წიაღისეულის მართვის დეპარტამენტის მინერალური რესურსების სამმართველოს თანამშრომელი და სალიცენზიო პირობების კონსტროლის სამსახურის თანამშრომელი.

6. შესყიდვის ობიექტის მიღება-ჩაბარების წესი

6.3 საქონლის მოწოდება უნდა განხორციელდეს ხელშეკრულების გაფორმებიდან 40 სამუშაო დღის ჩათვლით პერიოდში შემდეგ მისამართზე: საქართველო ქ. თბილისი, აღმაშენებლის გამზ. N150 .

6.4 შესყიდვის ობიექტის მიღება-ჩაბარება განხორციელდება შემსყიდველისა და მიმწოდებლის უფლებამოსილი წარმომადგენლების მიერ მოწოდებულ საქონელზე შესაბამისი მიღება-ჩაბარების აქტის გაფორმებით.

6.5 შემსყიდველის მხრიდან ხელშეკრულებით გათვალისწინებულ მიღება-ჩაბარების აქტზე ხელმოწერ პირს წარმოადგენს სსიპ წიაღის ეროვნული სააგენტოს სასარგებლო წიაღისეულის მართვის დეპარტამენტის მინერალური რესურსების სამმართველოს თანამშრომელი და სალიცენზიო პირობების კონსტროლის სამსახურის თანამშრომელი.

7. ანგარიშსწორება

7.1. ანგარიშსწორება განხორციელდება ეროვნულ ვალუტაში - ლარში, უნაღდო წესით მიმწოდებლის საბანკო ანგარიშზე.

7.2. ანგარიშსწორება განხორციელდება მიმწოდებლის მიერ ანგარიშსწორებისათვის საჭირო ყველა დოკუმენტაციის წარმოდგენიდან 10 (ათი) სამუშაო დღის ვადაში.

7.3. სახელმწიფო შესყიდვის დაფინანსების წყარო: სსიპ წიაღის ეროვნული სააგენტოს 2021 წლის საკუთარი სახსრები.

8. ფორს-მაჟორი

8.1. ხელშეკრულების რომელიმე მხარის მიერ ხელშეკრულების პირობების შეუსრულებლობა არ განიხილება ხელშეკრულების პირობების დარღვევად თუ შესრულების შეფერხება ან ვალდებულებების შეუსრულებლობა არის ფორს-მაჟორული გარემოებების შედეგი;

8.2. ამ ხელშეკრულების მიზნებისათვის ფორს-მაჟორი ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომელიც არ არის დაკავშირებული მხარეების შეცდომასა და დაუდევრობასთან და რომელსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, ეპიდემიით;

- 8.3. ფორს-მაჟორული გარემოების დადგომის შემთხვევაში მხარემ, რომლისათვისაც შეუძლებელი ხდება ნაკისრი ვალდებულების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.

9. მხარეთა პასუხისმგებლობა ხელშეკრულების პირობების შეუსრულებლობისას

- 9.1. ხელშეკრულებით ნაკისრი ვალდებულებების შეუსრულებლობის ან შესრულების ვადის გადაცილებისათვის მხარეს დაეკისრებათ პირგასამტეხლოს გადახდა - ყოველ გადაგადაცილებულ დღეზე ხელშეკრულების ღირებულების 0.02%-ის ოდენობით, რომლის გადახდა მოხდება მისთვის ასანაზღაურებელი თანხიდან გადახდის ეტაპზე გამოქვითვის საშალებით ან მის მიერ ამ თანხის გადახდით მხარის წერილობით მოთხოვნის მიღებიდან 5 (ხუთი) სამუშაო დღის განმავლობაში.
- 9.2. იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 2%-ს, მხარეებს უფლება აქვთ ცალმხრივად შეწყვიტოს ხელშეკრულება.
- 9.3. პირგასამტეხლოს გადახდა არ ათავისუფლებს მხარეებს ძირითადი ვალდებულებების შესრულებისაგან.

10. ხელშეკრულების შეწყვეტა მისი პირობების შეუსრულებლობა შემსყიდველი უფლებამოსილია შეწყვიტოს ხელშეკრულება თუ:

- 10.1. შემსყიდველი უფლებამოსილია მიმწოდებლის მიერ ხელშეკრულების პირობების შეუსრულებლობის შემთხვევაში მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ, რის შესახებაც შემსყიდველი ვალდებულია შეატყობინოს მეორე მხარეს მიღებული გადაწყვეტილება, მისი მიღების საფუძველი და ამოქმედების თარიღი.
- 11.2. ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.
- 11.3. ხელშეკრულების შეწყვეტა პირობების დარღვევის გამო არ ათავისუფლებს მიმწოდებელს ხელშეკრულების შეუსრულებლობისათვის გათვალისწინებული პასუხისმგებლობისაგან.
- 11.4. შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:
- ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
- ბ) საქართველოს კანონმდებლობით გათვალისწინებულ სხვა შემთხვევებში.
- 11.5. ამ მუხლის 11.4 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად გაწეული მომსახურების ან და მიწოდებული საქონლის ღირებულება.
- 11.6. შემსყიდველი ორგანიზაციის მიერ ხელშეკრულების ცალმხრივად შეწყვეტის შემთხვევაში იგი პასუხს არ აგებს ხელშეკრულების შეწყვეტის შედეგად გამოწვეული ზიანისთვის, გარდა საქართველოს კანონმდებლობით დადგენილი შემთხვევებისა.

11. დავა და მათი გადაწყვეტის წესი

- 11.1. ხელშეკრულების შესრულებისას მხარეთა შორის წამოჭრილი ნებისმიერი დავა ან უთანხმოება შესაძლებელია, გადაწყდეს ორივე მხარის ერთობლივი მოლაპარაკების საფუძველზე.
- 11.2. ასეთი მოლაპარაკების მიუღწევლობის შემთხვევაში, მხარეები მიმართავენ სასამართლოს საქართველოს კანონმდებლობის შესაბამისად.

12. ხელშეკრულების მოქმედების ვადა

- 12.1. ხელშეკრულება ძალაში შედის მხარეთა მიერ მისი ხელმოწერის თარიღიდან და მოქმედებს 2021 წლის 31 დეკემბრის ჩათვლით.

13. დასკვნითი დებულებანი

- 13.1. მხარეები პასუხს აგებენ ხელშეკრულებით ნაკისრი ვალდებულებების შეუსრულებლობისათვის და/ან არაჯეროვანი შესრულებისათვის საქართველოს კანონმდებლობით დადგენილი წესით;

- 13.2. ხელშეკრულება შედგენილია ქართულ ენაზე, ხელმოწერილია მხარეთა მიერ ელექტრონულად, ელექტრონული კვალიფიციური შტამპით/ ელექტრონული ხელმოწერით.
- 13.3. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.
- 13.4. წინამდებარე ხელშეკრულების ნებისმიერი ცვლილება ან დამატება ძალაში შედის მხოლოდ მისი წერილობით გაფორმებისა და მხარეთა მიერ ხელმოწერის მომენტიდან.


14. მხარეთა რეკვიზიტები:

შემსყიდველი

მიმწოდებელი

სსიპ „წიაღის ეროვნული სააგენტო“
მის: ქ. თბილისი, დ. აღმაშენებლის გამზ. №150.
საიდენტიფიკაციო კოდი: 202482571
მიმღები ბანკი: სახელმწიფო ხაზინა
მიმღების დასახელება: ხაზინის ერთიანი ანგარიში
ბანკის კოდი: TRESGE22


შპს მაი მობაილ +
მის: ქ.თბილისი, ალ. ყაზბეგის გამზ., №9, ბ. 1
საიდენტიფიკაციო კოდი: 205294705
მიმღები ბანკი: თიბისი ბანკი
ბანკის კოდი: TBCBGE22
ა/ა GE03TB3486736020100009


ოთარი დანელია
სააგენტოს უფროსი

ზურაბ ბოკერია
დირექტორი







ფასების ცხრილი

დანართი #1

შესყიდვის ობიექტი	რაოდენობა	მწარმოებელი კომპანია/ქვეყანა	მოდელი	ერთეულის ფასი	საერთო ფასი	გარანტია
ლაზერული მანძილზომი (სატენდერო დოკუმენტაციის ტექნიკური დავალების #1 პოზიციის შესაბამისად)	4	Laser Technology, Inc/ აშშ	TruPulse 360R (7005840)	7180.00	28720.00	მიწოდებულ საქონელზე ვრცელდება მიღება- ჩაბარების აქტის გაფორმებიდან 1 (ერთი) წლიანი გარანტია
ლაზერული მანძილზომი (სატენდერო დოკუმენტაციის ტექნიკური დავალების #2 პოზიციის შესაბამისად)	2	Robert Bosch Power Tools GmbH/ შვეიცარია	GLM 250VF	1340.00	2680.00	
ხელის ჯიპიეს მოწყობილობა (სატენდერო დოკუმენტაციის ტექნიკური დავალების #3 პოზიციის შესაბამისად)	2	Garmin Ltd/ ტაივანი	Montana 680t	2800.00	5600.00	
სულ ჯამი დღგ-ს ჩათვლით 37 000.00						


 ოთარი დანელია
 სააგენტოს უფროსი

 ზურაბ ბოკერია
 დირექტორი

ხელწერილი

ინტერესთა კონფლიქტის არარსებობის შესახებ

ქ. თბილისი

26 აგვისტო 2021 წ

მე, ქვემოთ ხელის მომწერი ვადასტურებ, რომ სსიპ წიაღი ეროვნულ სააგენტოსა და შპს „მაი მობაილ+“-ს შორის 2021 წლის 26 აგვისტო N21-082602 სახელმწიფო შესყიდვის შესახებ ხელშეკრულების გაფორმებასთან დაკავშირებულ საქმიანობაში ჩემი მონაწილეობა არ ეწინააღმდეგება „სახელმწიფო შესყიდვების შესახებ“ საქართველოს კანონის მე-8 მუხლის მოთხოვნებს.



გიორგი ხაჭაპურიძე

მინერალური რესურსების სამმართველოს მთავარი სპეციალისტი


ხელწერილი

ინტერესთა კონფლიქტის არარსებობის შესახებ

ქ. თბილისი

26 აგვისტო 2021 წ

მე, ქვემოთ ხელის მომწერი ვადასტურებ, რომ სსიპ წიაღი ეროვნულ სააგენტოსა და შპს „მაი მობაილ“-ს შორის 2021 წლის 26 აგვისტო N21-082602 სახელმწიფო შესყიდვის შესახებ ხელშეკრულების გაფორმებასთან დაკავშირებულ საქმიანობაში ჩემი მონაწილეობა არ ეწინააღმდეგება „სახელმწიფო შესყიდვების შესახებ“ საქართველოს კანონის მე-8 მუხლის მოთხოვნებს.



მაია წიფურია

სააგენტოს მთავარი ბუღალტერის მოვალეობის შემსრულებელი